



CONSELLERÍA DE AGRICULTURA, GANDERÍA E MONTES
Xurado Provincial de Montes Veciñais en Man Común

Edificio Administrativo de Servicios Múltiples - Monelos - A CORUÑA - Tfños. 18 59 02 - 18 59 03



Aos efectos oportunos comunícolle a resolución do expediente de calificación nº 340 do monte "Braña de Arriba", do lugar de Vilamarta de Riba, parroquia de Rodís, concello de Cerceda, segundo o acordo deste Xurado na súa reunión de data 23 de xaneiro de 1998:

"Reunido na data 23 de xaneiro de 1998 o Xurado Provincial de Montes Veciñais en Man Común da Coruña, baixo a Presidencia do Ilmo. Sr. Delegado da Consellería de Medio Ambiente, D. Rogelio Aramburu Núñez, coa asistencia do Vicepresidente Ilmo. Sr. D. Angel Barrallo Sánchez, Maxistrado da Audiencia Provincial da Coruña, os Vocais, D. Andrés López-Suevos Fernández, Xefe do Servicio de Montes e I.F., D. Alfonso Vázquez-Castro Garma, Letrado do Gabinete Xurídico Territorial da Xunta, D. Juan Ramón Beneyto Bellas, representante do Colexio de Avogados da Coruña, D. José Manuel Caramés Franco, representante das Comunidades Veciñais de Montes en Man Común, e do Secretario D. Manuel Puente Araújo, Letrado da citada Delegación, para estudar e resolve-lo

Nº Expdte.: 340
 Monte: Braña de Arriba
 Lugar: Vilamarta de Riba
 Parroquia: Rodís
 Concello: Cerceda

ANTECEDENTES DE FEITO:

1º. Diversos veciños de Vilamarta de Riba, parroquia de Rodís, concello de Cerceda, solicitaron con data 04/07/1996 deste Xurado, a declaración como veciñal do expresado lugar, do monte arriba citado e que ten as seguintes características:

Superficie: 22 As. aprox.

Lindeiros:

Situada na finca 469, do Polígono 41, do catastro do concello de Cerceda.

NORTE: Finca de Felisa Pallas Pena. LESTE: Regato que o separa das fincas de Dolores Villaseñín Pérez e Jesús Pombo Golán. SUR: Fincas de Hdos. de José Golán Castro, de Rosa Golán Golán, e de Hrdos. de Rafael Pallas Pena. OESTE: Fincas de Hdos. de Rafael Pallas Pena, M^a Carmen Santos Dubra, Hdos. de Estrella Dubra Pena, e Estrella Pallas Dubra.

20. A vista de tal solicitude, o Xurado, na súa reunión de 09/12/1996, acordou inicia-lo oportuno expediente nomeándose como Instructor do mesmo a D. Federico Sánchez Rodríguez, quen aceptou expresamente dito cargo. Procedeuse á correspondente tramitación, librándose mandamento para a anotación preventiva no Rexistro da Propiedade de Ordes, oíndose a tódalas persoas, Organismos e Corporacións interesadas, expedíndose mandamentos a tal fin dirixidos ao Sr. Alcalde Presidente do Concello de Cerceda, ao Xefe do Servicio de Montes e I.F. e publicándose edictos no D.O.G. (nº 79 de 25/04/1997) e taboleiro de anuncios do Concello.

Debido ao relevo na Xefatura do Servicio de Montes, o Xurado, na súa reunión de data 13/06/1997, acordou nomear novo instructor a D. Andrés López-Suevos Fernández, o cal tamén aceptou o cargo.

30. Os veciños de Vilamarta de Riba fundamentan a súa petición perante o Xurado Provincial de Montes Vecinales en Mano Común no aproveitamento consuetudinario e desde tempos inmemoriais, en réxime de comunidade, e sin asinación de cotas, do monte referido. Presentan copia de documentos privados de compraventa nos que hai referencia á existencia de tal braña veciñal.

40. Ante o presente expediente formulou alegación D^a Felisa Pallas Pena, a cal afirma se-la propietaria de parte da finca solicitada como veciñal e pedindo a exclusión de tal calificación.

Presenta copia dunha sentenza de data 29.03.1994, do Xulgado de Primeira Instancia nº 9 da Coruña, sobre servidume de paso, así como outra de data 09.02.1995 da Audiencia Provincial da Coruña, a cal é firme, e que resolve apelación da anterior. Námbalas dúas sentencias se considera acreditada que dita finca non é terreno veciñal nin comunal, senon propiedade de D^a Felisa Pallas.

5º. Na tramitación das presentes actuacións cumpríronse as formalidades legais e regulamentarias, esixidas principalmente pola Lei 13/89, de 10 de outubro, de Montes Veciñais en Man Común, e o seu Regulamento de aplicación aprobado polo Decreto 260/92, de 4 de setembro, ambos da Comunidade Autónoma de Galicia, Lei de Procedemento Administrativo e demais disposicións aplicables no caso.

FUNDAMENTOS DE DEREITO:

1º. O Xurado Provincial de Montes Veciñais en Man Común da Coruña ten xurisdicción e competencia para coñecer do presente expediente en virtude do disposto nos artgs. 9 e 10 da Lei da Comunidade Autónoma de Galicia 13/89 de 10 de outubro de Montes Veciñais en Man Común.

2º. En conformidade co contido do art. 11 da citada Lei e 19 do Regulamento, aprobado polo Decreto 260/92, de 4 de setembro, os veciños do lugar de Vilamarta de Riba son parte lexítima para solicita-la iniciación do presente expediente de calificación.

3º. Este Xurado decide excluír da calificación a parte da finca sobre a que formula alegación Dª Felisa Pallas, ao se-la mesma finca obxecto das resolucións xudiciais descritas no antecedente 4º, as cales dan como acreditado que é propiedade privada da reclamante.

4º. Para a súa calificación como veciñal en man común, o monte debe reuni-las seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sin asignación de cotas polos membros de cada agrupación na súa condición de veciños comuneiros; 3) Que os veciños comuneiros residan habitualmente con "casa aberta" dentro da área xeográfica sobre a que se asenta o grupo social que tradicionalmente aproveitou o monte (artgs. 1, 2 e 3 da Lei 13/89 e 1, 2 e 3 do Regulamento de 4 de setembro de 1992).

59. Das actuacións obrantes no expediente, e en especial da comprobación do que se expresa no punto anterior, dedúcese que no presente caso nos encontramos cun monte pertencente á Comunidade Veciñal do lugar de Vilamarta de Riba, parroquia de Rodís, no que se cumpren os aludidos requisitos.

Por iso, éste Xurado, á vista dos antecedentes e fundamentos de Dereito expostos, nesta data,

ACORDA calificar como Monte Veciñal en Man Común da Comunidade Veciñal do lugar de Vilamarta de Riba, parroquia de Rodís, concello de Cerceda, o denominado Monte "Braña de Arriba", cos lindeiros, superficie e características que figuran no primeiro antecedente, excluindo de tal calificación a parte da finca sobre a que formula alegación Dña Felisa Pallas. Asimesmo, acórdase excluí-lo declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndolo no Rexistro de Montes Veciñais en Man Común que figura na Delegación de Agricultura, Gandería e Montes da Coruña.

Contra a presente Resolución poderase interpoñer recurso contencioso-administrativo no prazo DOUS MESES perante o Tribunal Superior de Xustiza de Galicia, contados a partir do momento de recepción da presente, segundo a ata agora vixente Lei de procedemento administrativo.

A Coruña, 23 de xaneiro de 1998

VO e Pr.
O PRESIDENTE DO XURADO,

O SECRETARIO DO XURADO,

Asdo. Rogelio Arambur

Asdo. Manuel Puente Araújo



Finca: BRAÑA DE ARRIBA

Vilamarta de Arriba- Rodis (CERCEDA)

Sup. 27 As 82 cas = 4 Fdos 8.5 ctlllos

Esc. 1/500

